

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) a u vezi sa članom 8. Uredbe o formiranju Kantonalnog štaba civilne zaštite („Službene novine Zeničko-dobojskog kantona“ broj: 12/04, 5/08 i 7/11), na prijedlog Kantonalne uprave civilne zaštite, Vlada Zeničko-dobojskog kantona, na 1. sjednici, održanoj dana 10.04.2019. godine, d o n o s i

RJEŠENJE

o izmjeni Rješenja o postavljenju komandanta, načelnika i članova Kantonalnog štaba civilne zaštite Zeničko-dobojskog kantona

Član 1.

U Rješenju o postavljenju komandanta, načelnika i članova Kantonalnog štaba civilne zaštite Zeničko-dobojskog kantona („Službene novine Zeničko-dobojskog kantona“, broj: 13/18), u članu 1. riječi:

„Fahrudin Brkić“ zamjenjuju se riječima:

„Arnel Isak“.

Član 2.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-6255/19

Datum, 10.04.2019. godine

Z e n i c a

PREMIJER

Mirza Ganić

DOSTAVLJENO:

1x Kantonalna uprava civilne zaštite,
1x Komadant, načelnik i članovi štaba, putem KUCZ,
1x Federalna uprava civilne zaštite, putem KUCZ,
1x „Službene novine Zeničko-dobojskog kantona“,
1x a/a.

OBRAZLOŽENJE
RJEŠENJA O IZMJENI RJEŠENJA O POSTAVLJENJU
KOMANDANTA, NAČELNIKA I ČLANOVA KANTONALNOG ŠTABA CIVILNE
ZAŠTITE

I - ZAKONSKI OSNOV ZA DONOŠENJE RJEŠENJA

Zakonski osnov za donošenje Rješenja o izmjeni rješenja o postavljenju komandanta, načelnika i članova Kantonalnog štaba civilne zaštite sadržan je u odredbama člana 114. stav 1. i člana 116. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, broj: 39/03, 22/06 i 43/10, u daljem tekstu: Zakon) i člana 8. Uredbe o formiranju Kantonalnog štaba civilne zaštite ("Službene novine Zeničko-dobojskog kantona", broj: 12/04, 5/08 i 7/11, u daljem tekstu: Uredba), kako je navedeno u uvodu Rješenja.

II - RAZLOZI ZA DONOŠENJE RJEŠENJA

Razlog za donošenje Rješenja o izmjeni rješenja o postavljenju komandanta, načelnika i članova Kantonalnog štaba civilne zaštite sadržan je u činjenici što je Skupština Zeničko-dobojskog kantona razriješila dužnosti Fahrudina Brkića sa dužnosti ministra Ministarstva za prostorno uređenje, promet i komunikacije i zaštitu okoline i Odlukom potvrdila imenovanje Arnela Isaka za ministra Ministarstva za prostorno uređenje, promet i komunikacije i zaštitu okoline u Vladi Zeničko-dobojskog kantona.

Obzirom da je odredbom člana 114. i 116. Zakona i člana 4. Uredbe utvrđeno da je ministar Ministarstva za prostorno uređenje, promet i komunikacije i zaštitu okoline, po položaju komandant Kantonalnog štaba civilne zaštite, neophodno je da Vlada Kantona donese Rješenje.

III - OBJAŠNJENJE PREDLOŽENIH PRAVNIH RJEŠENJA

U članu 1. zamjenjuje se komandant Kantonalnog štaba civilne zaštite Fahrudin Brkić, koji je razriješen dužnosti ministra Ministarstva za prostorno uređenje, promet i komunikacije i zaštitu okoline i istovremeno se imenuje novi komandant Kantonalnog štaba Arnel Isak, ministar Ministarstva za prostorno uređenje, promet i komunikacije i zaštitu okoline.

IV - FINANSIJSKA SREDSTVA ZA PRIMJENU RJEŠENJA

Za sprovođenje ovog Rješenja nisu potrebna dodatna finansijska sredstva u budžetu Kantona.